

PART-A: Objective Type Questions (MCQ): 25 Marks

Section - A: (Reading: Unseen Comprehension)

1. নিচের অনুচ্ছেদ গুলি পাঠ করে প্রদত্ত প্রশ্নগুলির সঠিক উত্তরটি নির্বাচন করে লেখো: (1×4)

A) ভারতবর্ষের চিকিৎসা পর্যটন (Medical Tourism) বর্তমানে বিশ্বের অন্যতম দ্রুত বর্ধনশীল ক্ষেত্র। ভারত তার উন্নতমানের চিকিৎসা পরিষেবা এবং সাশ্রয়ী মূল্যের সমন্বয়ে বিশ্বের বহু দেশের রোগীদের আকর্ষণের কেন্দ্রবিন্দু হয়ে উঠেছে। ভারতের প্রধান আকর্ষণ হলো এখানকার বিশ্বমানের হাসপাতাল এবং অত্যন্ত দক্ষ ও অভিজ্ঞ চিকিৎসকমণ্ডলী। পরিসংখ্যান অনুযায়ী, মার্কিন যুক্তরাষ্ট্র বা ইউরোপের দেশগুলির তুলনায় ভারতে চিকিৎসার খরচ প্রায় ৬০% থেকে ৯০% পর্যন্ত কম। চিকিৎসার পাশাপাশি যাতায়াত ও ভ্রমণের সহজলভ্যতা এই শিল্পকে আরও ত্বরান্বিত করেছে। সরকার বর্তমানে “ই-মেডিকেল ভিসা” (e-Medical Visa) ব্যবস্থা প্রবর্তন করেছে, যার ফলে বিদেশী রোগীরা খুব সহজেই ভারতে আসতে পারছেন। ভাষার সুবিধা এখানে একটি গুরুত্বপূর্ণ ফ্যাক্টর। ভারতের অধিকাংশ চিকিৎসা-কর্মী ইংরেজিতে পারদর্শী হওয়ায় আন্তর্জাতিক রোগীদের সঙ্গে যোগাযোগের ক্ষেত্রে কোনো বাধার সৃষ্টি হয় না। হৃদরোগ, ক্যানসার, অঙ্গ-প্রতিস্থাপন এবং আয়ুর্বেদিক চিকিৎসার জন্য ভারত বিশেষভাবে পরিচিত। এই ক্ষেত্রটির রক্ষণাবেক্ষণ ও গুণমান বজায় রাখা অত্যন্ত প্রয়োজনীয়। ভারত সরকার “হিল ইন ইন্ডিয়া” (Heal in India) উদ্যোগের মাধ্যমে চিকিৎসা পর্যটনকে উৎসাহিত করছে। ন্যাশনাল অ্যাক্রিডিটেশন বোর্ড ফর হাসপিটালস (NABH) এবং জয়েন্ট কমিশন ইন্টারন্যাশনাল (JCI) দ্বারা স্বীকৃত হাসপাতালগুলি আন্তর্জাতিক মানের পরিষেবা নিশ্চিত করে। শিক্ষাক্ষেত্রেও এর গুরুত্ব বৃদ্ধি পাচ্ছে। বিভিন্ন স্কুল ও কলেজে “ভোক্যাশনাল কোর্স” এবং সেমিনারের মাধ্যমে শিক্ষার্থীদের এই সম্ভাবনাময় ক্ষেত্রটি সম্পর্কে সচেতন করা হচ্ছে। এছাড়া মেডিকেল ম্যানেজমেন্ট ও হাসপিটালিটি

সেক্টরে কর্মসংস্থানের সুযোগ সম্পর্কে শিক্ষার্থীদের বিশেষ পাঠ দেওয়া হচ্ছে, যা ভবিষ্যতের দক্ষ কর্মী তৈরিতে সহায়ক।

I) অনুচ্ছেদ অনুসারে, বিদেশী রোগীদের কাছে ভারতের চিকিৎসার অন্যতম প্রধান আকর্ষণ কী?

- a) শুধুমাত্র ভারতের জলবায়ু b) উন্নতমানের চিকিৎসা পরিষেবা এবং সাশ্রয়ী মূল্যের সঠিক সমন্বয়
c) বিনামূল্যে চিকিৎসা পরিষেবা প্রদান d) শুধুমাত্র হাসপাতালের বড় বড় অটালিকা

II). অনুচ্ছেদটি অবলম্বনে একটি মন্তব্য ও তার সাপেক্ষে একটি যুক্তি দেওয়া আছে। সংকেত অনুসারে সঠিক উত্তরটি চিহ্নিত করো।

- মন্তব্য : আন্তর্জাতিক রোগীদের ক্ষেত্রে ভারতে ভাষাগত যোগাযোগে কোনো সমস্যা হয় না।
- যুক্তি : ভারতের অধিকাংশ চিকিৎসা-কর্মী এবং চিকিৎসক ইংরেজি ভাষাতে পারদর্শী।

- a) মন্তব্য এবং যুক্তি উভয়ই সত্য b) মন্তব্য এবং যুক্তি উভয়ই মিথ্যা
c) মন্তব্য সত্য কিন্তু যুক্তি মিথ্যা d) মন্তব্য মিথ্যা কিন্তু যুক্তি সত্য

III) ভারত সরকার চিকিৎসার্থে বিদেশীদের আসার প্রক্রিয়া সহজ করার জন্য কোন ব্যবস্থা প্রবর্তন করেছে?

- a) বিনামূল্যে বিমান টিকিট b) ই-মেডিকেল ভিসা
c) শুধুমাত্র আয়ুর্বেদিক চিকিৎসার সুযোগ d) পাসপোর্ট ছাড়াই ভ্রমণের অনুমতি

IV) স্কুল ও কলেজগুলিতে শিক্ষার্থীদের এই বিষয়ে সচেতন করার মূল উদ্দেশ্য কী?

- a) শিক্ষার্থীদের বিদেশে পাঠানোর জন্য।
- b) শিক্ষার্থীদের শুধুমাত্র ডাক্তার হিসেবে গড়ে তোলার জন্য।
- c) এই সম্ভাবনাময় ক্ষেত্রে কর্মসংস্থান ও ভবিষ্যৎ সুযোগ সম্পর্কে জানানো।
- d) ঐতিহাসিক স্মৃতিসৌধ ভ্রমণ করানো।

B) জীবনশৈলী শিক্ষার গুরুত্ব - জীবনশৈলী শিক্ষা বলতে বোঝায় সেই সমস্ত দক্ষতাগুলির বিকাশ, যা ব্যক্তিকে দৈনন্দিন জীবনের চ্যালেঞ্জগুলি মোকাবিলা করতে এবং কার্যকরভাবে সমস্যার সমাধান করতে সাহায্য করে। আধুনিক জীবনে এই শিক্ষার গুরুত্ব অপরিসীম। প্রথমত, এটি ব্যক্তিত্ব বিকাশে সহায়ক। জীবনশৈলী শিক্ষা শিক্ষার্থীদের নিজেদের আবেগ, শক্তি ও দুর্বলতা সম্পর্কে সচেতন হতে শেখায়, যার ফলে তারা নিজেদের আত্মবিশ্বাস এবং আত্মমর্যাদা বৃদ্ধি করতে পারে। দ্বিতীয়ত, এটি সামাজিকতা ও যোগাযোগ দক্ষতা উন্নত করে। অন্যের কথা মন দিয়ে শোনা, নিজেদের মতামত স্পষ্টভাবে প্রকাশ করা এবং বিতর্ক বা সংঘাতপূর্ণ পরিস্থিতিতে ইতিবাচক মনোভাব বজায় রাখা—এই দক্ষতাগুলি সমাজে ভালো সম্পর্ক তৈরি করতে অপরিহার্য। তৃতীয়ত, সমস্যা সমাধান ও সিদ্ধান্ত গ্রহণ হলো জীবনশৈলী শিক্ষার অন্যতম মূল ভিত্তি। শিক্ষার্থীরা যৌক্তিক উপায়ে বিভিন্ন বিকল্প বিশ্লেষণ করতে এবং সবচেয়ে ভালো সমাধানটি বেছে নিতে শেখে। এই দক্ষতা তাদের আধুনিক জীবনের জন্য আত্ম-প্রস্তুতিতে সাহায্য করে, যেখানে দ্রুত পরিবর্তনশীল পরিস্থিতিতে সঠিক পদক্ষেপ নেওয়া জরুরি। এছাড়াও, জীবনশৈলী শিক্ষা, শিক্ষা ও কর্মজীবনের উন্নতিতে সরাসরি প্রভাব ফেলে। দলগত কাজ, সময় ব্যবস্থাপনা এবং সমালোচনামূলক চিন্তাভাবনা — এই দক্ষতাগুলি শিক্ষার্থীদের ভালো ফলাফল অর্জনে এবং ভবিষ্যতের কর্মক্ষেত্রে সফল হতে সহায়তা করে। পরিশেষে বলা যায়, জীবনশৈলী শিক্ষা শুধুমাত্র পাঠ্যক্রমের একটি অংশ নয়, এটি একটি স্বাস্থ্যকর, উৎপাদনশীল এবং সামাজিকভাবে দায়বদ্ধ জীবন যাপনের ভিত্তি তৈরি করে।

I) জীবনশৈলী শিক্ষার মাধ্যমে ব্যক্তিগত বিকাশের ক্ষেত্রে কোন্ বিষয়টির উন্নতি ঘটে?

- a) শুধুমাত্র গণিতের জ্ঞান
- b) আত্মবিশ্বাস এবং আত্মমর্যাদা বৃদ্ধি
- c) অতিরিক্ত ঘুম
- d) যানবাহনের নকশা তৈরি করা

II) অনুচ্ছেদটি অবলম্বনে একটি মন্তব্য ও তার সাপেক্ষে একটি যুক্তি দেওয়া আছে। সংকেত অনুসারে সঠিক উত্তরটি চিহ্নিত করো।

- **মন্তব্য :** জীবনশৈলী শিক্ষা শিক্ষার্থীদের সামাজিক সম্পর্ককে উন্নত করে।
- **যুক্তি :** এই শিক্ষা অন্যের কথা মন দিয়ে শোনা এবং স্পষ্টভাবে নিজস্ব মতামত প্রকাশ করার দক্ষতা বাড়ায়।

- a) মন্তব্য এবং যুক্তি উভয়ই সত্য
- b) মন্তব্য এবং যুক্তি উভয়ই মিথ্যা
- c) মন্তব্য সত্য কিন্তু যুক্তি মিথ্যা
- d) মন্তব্য মিথ্যা কিন্তু যুক্তি সত্য

III) আধুনিক জীবনের জন্য প্রস্তুতিতে জীবনশৈলী শিক্ষা কীভাবে সাহায্য করে?

- a) পরিবর্তনশীল পরিস্থিতিতে সঠিক পদক্ষেপ নিতে শিখিয়ে
- b) শুধুমাত্র অর্থ উপার্জন করতে শিখিয়ে
- c) কেবলমাত্র কম্পিউটার প্রোগ্রামিং শিখিয়ে
- d) ঐতিহাসিক তথ্য মুখস্থ করে

IV) 'সংঘাত' শব্দের সন্ধি বিচ্ছেদ করলে হবে -

- a) সং + ঘাত b) সন্ + ঘাত c) সম্ + ঘাত d) সমস্ + ঘাত

- C) ঐতিহাসিক স্মৃতিসৌধ রক্ষণাবেক্ষণ - ভারতবর্ষ হাজার হাজার বছরের পুরনো এক সমৃদ্ধ ইতিহাসের ধারক, যার সাক্ষ্য বহন করে চলেছে অসংখ্য ঐতিহাসিক মনুমেন্ট বা স্মৃতিসৌধ। এই ঐতিহ্যবাহী স্থানগুলির রক্ষণাবেক্ষণ অত্যন্ত জরুরি, কারণ এগুলি কেবল আমাদের অতীত গৌরবের প্রতীক নয়, আমাদের জাতীয় পরিচয় ও সাংস্কৃতিক উত্তরাধিকারেরও অবিচ্ছেদ্য অংশ। রক্ষণাবেক্ষণের প্রয়োজনীয়তা বহুবিধ। এই স্মৃতিসৌধগুলি পরবর্তী প্রজন্মের জন্য শিক্ষামূলক সম্পদের উৎস হিসেবে কাজ করে এবং দেশের পর্যটন শিল্পকে উন্নত করে, যা অর্থনীতিতে গুরুত্বপূর্ণ ভূমিকা রাখে। রক্ষণাবেক্ষণের পদ্ধতিগুলি বেশ জটিল। এগুলির মধ্যে রয়েছে কাঠামোগত মেরামত, আবহাওয়ার ক্ষতিকর প্রভাব থেকে রক্ষা করা, রাসায়নিক পরিষ্কারের মাধ্যমে দেয়ালের সজ্জা বা শিলালিপি সংরক্ষণ করা এবং পরিবেশ দূষণ নিয়ন্ত্রণ করা। অনেক সময় বিশেষজ্ঞদের দ্বারা মনুমেন্টের ভেতরের এবং বাইরের অংশের স্থিতিাবস্থা বোঝার জন্য নিয়মিত পর্যবেক্ষণ ও সমীক্ষা করা হয়। সরকারের তরফ থেকে গৃহীত ব্যবস্থা উল্লেখযোগ্য। কেন্দ্রীয়ভাবে, আর্কিওলজিক্যাল সার্ভে অফ ইন্ডিয়া - এই মনুমেন্টগুলির রক্ষণাবেক্ষণের প্রধান দায়িত্বে রয়েছে। সরকারের তরফ থেকে নিয়মিতভাবে মেরামত কাজ চালায়, প্রত্নতাত্ত্বিক গবেষণা করে এবং জনসাধারণের প্রবেশ নিয়ন্ত্রণের মাধ্যমে সুরক্ষার ব্যবস্থা করে। রাজ্য সরকারগুলিও তাদের আওতাধীন স্মৃতিসৌধগুলির জন্য বিশেষ তহবিল গঠন করেছে। স্কুল-কলেজগুলিতেও এই বিষয়ে সচেতনতা বৃদ্ধির জন্য বিভিন্ন পদক্ষেপ নেওয়া হয়। শিক্ষার্থীদের শিক্ষামূলক ভ্রমণে ঐতিহাসিক স্থানে নিয়ে যাওয়া হয়, যেখানে তারা মনুমেন্টগুলির গুরুত্ব ও রক্ষণাবেক্ষণের নিয়ম সম্পর্কে জানতে পারে। প্রবন্ধ প্রতিযোগিতা, আলোচনা সভা এবং প্রতিজ্ঞা গ্রহণের মাধ্যমে তরুণ প্রজন্মের মধ্যে ঐতিহ্য সংরক্ষণের মূল্যবোধ জাগিয়ে তোলা হয়। এই সম্মিলিত প্রচেষ্টার ফলেই আমাদের জাতীয় সম্পদগুলি সুরক্ষিত থাকে।

I) ঐতিহাসিক স্মৃতিসৌধগুলির রক্ষণাবেক্ষণ কেন জরুরি?

- a) এগুলি শুধুমাত্র ব্যক্তিগত সম্পত্তির প্রতীক।
- b) এগুলি কেবল পর্যটকদের বিনোদনের স্থান।
- c) এগুলি আমাদের জাতীয় পরিচয় ও সাংস্কৃতিক উত্তরাধিকারের অবিচ্ছেদ্য অংশ।
- d) এগুলি শুধুমাত্র আধুনিক স্থাপত্যের উদাহরণ।

II) অনুচ্ছেদটি অবলম্বনে একটি মন্তব্য ও তার সাপেক্ষে একটি যুক্তি দেওয়া আছে। সংকেত অনুসারে সঠিক উত্তরটি চিহ্নিত করো।

- **মন্তব্য :** ঐতিহাসিক স্মৃতিসৌধগুলির রক্ষণাবেক্ষণে রাসায়নিক পরিষ্কার একটি পদ্ধতি হিসেবে ব্যবহৃত হয়।
- **যুক্তি :** রাসায়নিক পরিষ্কারের মাধ্যমে আবহাওয়ার ক্ষতিকর প্রভাব থেকে রক্ষা করে দেয়ালের সজ্জা বা শিলালিপি সংরক্ষণ করা হয়।

- a) মন্তব্য এবং যুক্তি উভয়ই সত্য
- b) মন্তব্য এবং যুক্তি উভয়ই মিথ্যা
- c) মন্তব্য সত্য, কিন্তু যুক্তি মিথ্যা
- d) মন্তব্য মিথ্যা কিন্তু যুক্তি সত্য

III) ভারতবর্ষের ঐতিহাসিক মনুমেন্টগুলির রক্ষণাবেক্ষণের প্রধান দায়িত্ব কোন্ কেন্দ্রীয় সংস্থার উপর ন্যস্ত?

- a) ন্যাশনাল টুরিজম বোর্ড
- b) আর্কিওলজিক্যাল সার্ভে অফ ইন্ডিয়া
- c) ইন্ডিয়ান রেলওয়েজ
- d) ডিফেন্স রিসার্চ অ্যান্ড ডেভেলপমেন্ট অর্গানাইজেশন

IV) উপরের অনুচ্ছেদটি অবলম্বনে একটি মন্তব্য ও তার সাপেক্ষে একটি যুক্তি দেওয়া আছে। সংকেত অনুসারে সঠিক উত্তরটি চিহ্নিত করো।

- **মন্তব্য :** স্কুল-কলেজগুলি প্রবন্ধ প্রতিযোগিতা আয়োজন করে ঐতিহ্য সংরক্ষণের মূল্যবোধ জাগিয়ে তোলে।
- **যুক্তি :** তরুণ প্রজন্মের মধ্যে ঐতিহ্য সংরক্ষণের মূল্যবোধ জাগিয়ে তোলার প্রয়োজন নেই।

- a) মন্তব্য এবং যুক্তি উভয়ই সত্য
- b) মন্তব্য এবং যুক্তি উভয়ই মিথ্যা
- c) মন্তব্য সত্য, কিন্তু যুক্তি মিথ্যা
- d) মন্তব্য মিথ্যা কিন্তু যুক্তি সত্য